

7. gr.

Leita skal staðfestingar forseta Íslands á skipulagsskrá þessari.

Reykjavík, 4. september 1962.

F. h. V. Steinsen,
Emil Ágústsson.

REGLUGERÐ

um breytingu á hafnarreglugerð fyrir Blönduós, nr. 150 31. júlí 1951.

1. gr.

1. mgr. 11. gr. orðist þannig:

Öll skip, 12 brúttólestir eða þar yfir, skulu greiða lestagjald, kr. 0.45 af hverri brúttórúmllest, í hvert skipti, er þau koma á höfnina, og hafa þaðan samband við land.

2. gr.

12. gr. orðist þannig:

Öll aðkomuskip og aðkomubátar, nema varðskip, herskip og björgunarskip, skulu greiða bryggjugjald, kr. 0.30 ef hverri brúttórúmllest, í hvert sinn, er þau leggjast að bryggju hafnarinnar eða skipum, er við hana liggja. Lægsta gjald skal þó vera kr. 12.00, ef skipið er 12 rúmllestir eða stærra, annars kr. 6.00 af þilfarsbátum og kr. 3.00 af opnum vélbátum. Heimilisfastir bátar á Blönduósi, 12 rúmllestir eða meira að stærð, skulu greiða kr. 1.50 á sólarhring fyrir afnot af bryggju eða löndunar-tækjum hennar, þó ekki yfir kr. 90.00 á ári. Minni vélbátar greiði kr. 0.75 á sólarhring, þó ekki minna en kr. 37.50 á ári.

Fyrir hvern uppskipunarbat skal greiða kr. 45.00 á ári.

3. gr.

Á eftir 12. gr. komi eftirfarandi ný grein, sem verður 13. gr., en greinatala reglugerðarinnar breytist samkvæmt þessu:

Ljósagjald.

Öll skip, sem koma til hafnarinnar frá 1. ágúst til 14. maí, að báðum dögum meðtöldum og hafnargjald greiða samkvæmt hafnarreglugerðinni, skulu greiða ljósagjald sem hér segir:

- a. Hver bátur og skip, sem á heima á Blönduósi, greiði kr. 25.00 á ári.
- b. Aðkomubátar og skip, sem stunda fiskveiðar frá Blönduósi, greiði kr. 10.00 í hvert skipti, er þau koma til hafnar.
- c. Öll önnur skip greiða í hvert sinn, er þau koma til hafnar:

| | |
|-----------------------------------|-----------|
| Skip undir 200 rúmllestum | kr. 15.00 |
| Skip frá 200—400 rúmllestir | — 30.00 |
| Skip yfir 400 rúmllestir | — 60.00 |

4. gr.

13. gr., sem verður 14. gr., orðist þannig:

1. flokkur. Gjald kr. 2.00 fyrir hver 100 kg:
Kol, koks og salt.

2. flokkur. Gjald kr. 3.00 fyrir hver 100 kg:
Kornvara og fóðurvara í sekkjum, áburður, hey, garðávextir í sekkjum (s. s. kartöflur, rófur og laukur), sement og kalk.
3. flokkur. Gjald kr. 3.60 fyrir hver 100 kg:
Gasolía, svartolía og aðrar brennsluolíur, benzín, byggingarefni óunnið (s. s. þakjárn, þakshellur, þakskífur, asbest, steypustyrktarjárn, múrhúðunarefni, þó ekki sementsmálning, vikur, vikursteinar, hlutir úr frauðsteypu og gjalli, vegg- og gólflísar), veiðarfæri, ótalin annars staðar, fiskumbúðir og saltfiskur.
4. flokkur. Gjald kr. 4.50 fyrir hver 100 kg:
Hraðfrystur fiskur, sjávarafurðir, ótaldar annars staðar, gærur, húðir og garnir.
5. flokkur. Gjald kr. 5.00 fyrir hver 100 kg:
Járn óunnið, smíðajárn, miðstöðvar og vatnsleiðslurör (s. s. rör, ofnar, katlar, kranar og annar „fittings“), rör og pípur (s. s. raflagnarör, olíuleiðslur, rör ótalin annars staðar), jarðstrengur, vír óeinangraður, girðingarefni annað en tréstaumar, vélar og tæki (þyngri en 100 kg, s. s. vinnuvélar, mótórar, rafalar, spennar), háspennueinangrarar, bifreiðar, vélar og tæki til landbúnaðar, önnur en handverkfæri, olíur í heilum fötum aðrar en brennsluolíur (s. s. smurolíur og smjörlíkisolíur), trjáviður og þilplötur til húsagerðar, sem gjald reiknast af eftir þyngd, skreið.
6. flokkur. Gjald kr. 6.00 fyrir hver 100 kg:
Landbúnaðarvörur, ótaldar annars staðar.
7. flokkur. Gjald kr. 1.50 fyrir hver 10 kg:
Olíur í litlum pakkningum, ílátum og dósnum, rafknúin heimilistæki, raf-lagnaefni, ótalið annars staðar, eldavélar, ofnar, kynditæki, hreinlætistæki, s. s. úr postulíni og málmum, málningarvörur ýmiss konar, sementsmálning, húðunarefni, ótalin annars staðar, terrasso, gólfdúkar og plötur til gólflagna, korkur unninn og óunninn, rúðugler í kistum, einangrunarvír, sykur, kaffi, kaffibætir, brauðvörur alls konar, ávextir, grænmeti, matvara í stórum pakkningum og dósnum og glösum, fullunnar efnagerðarvörur, ótaldar annars staðar, kjötvörur og fiskvörur í dósnum og smápakkningum, handverkfæri, vélar og tæki undir 100 kg, varahlutir ýmiss konar (s. s. saumur, skrúfur, boltar, skrár, lamir o. fl. þess konar, úr málmum og gerviefnum), barnavagnar, hjólhestar, mótórhjól, smávélar (s. s. skilvindur, strokkar, saumavélar o. fl.), hreinlætisvörur, aldinsafar, öl og gosdrykkjavörur, búsáhöld ýmiss konar, burstavörur, siglingartæki, gúmmívörur, bækur, pappírsvörur, kennslutæki, vefnaðarvörur, garn (ull og gerviefni).
8. flokkur. Gjald kr. 3.00 fyrir hver 10 kg:
Leðurvörur, skófatnaður, glervörur, ótaldar annars staðar, lyfjavörur, hjúkrunarvörur, rafmagnsvörur og tæki, ótalin annars staðar, smáhljóðfæri, viðtæki, upptökutæki, grammófónar, spólur og hljómplötur, mælitæki, s. s. mælar, klukkur, úr og önnur mælitæki ótalin, sportvörur, sælgætisvörur, skrifstofuvélar, byssur, skotfæri, leikföng, skrautvörur, glysvarningur, áfengi, ilmvoðn, tóbaksvörur, ótaldar smávörur, svo og allar þær vörur, sem gjald er tekið af eftir þyngd og eru ótaldar annars staðar.
9. flokkur. Gjald kr. 1.25 fyrir hvert stykki:
Tómar tunnur, föt og umbúðir.

10. flokkur. Gjald kr. 0.80 fyrir hvert teningsfet:
Trjáviður, sem reiknast eftir rúmmáli.
11. flokkur. Gjald kr. 1.20 fyrir hvert tengingfet:
Húsgögn, hljóðfæri, olíugeymar o. fl., allar aðrar vörur ótaldar annars staðar, sem gjald reiknast af eftir rúmmáli.
12. flokkur. Gjald kr. 15.00 fyrir hvert stykki:
Stórgripir og lifandi sauðfé.
13. flokkur. Gjald kr. 2.50 fyrir hverja tunnu:
Saltsíld í tunnum.

Reglugerð þessi staðfestist hér með samkvæmt lögum um hafnargerðir og lendingarbætur, nr. 29 23. apríl 1946, til að öðlast þegar gildi, og birtist til eftirbreytni öllum þeim, sem hlut eiga að máli.

Samgöngumálaráðuneytið, 12. september 1962.

Emil Jónsson.

Brynjólfur Ingólfsson.

H A F N A R R E G L U G E R ð

fyrir Seyðisfjarðarkaupstað.

I. KAFLI

Takmörk hafnarinnar.

1. gr.

Seyðisfjarðarhöfn tekur yfir Seyðisfjörð vestan línu, sem hugsast dregin frá Grýtá í Grjótgarða.

II. KAFLI

Stjórn hafnarinnar.

2. gr.

Bæjarstjórn Seyðisfjarðar hefur á hendi stjórn hafnarmálefna, undir yfirumsjón samgöngumálaráðuneytisins.

Hafnarnefnd er, auk bæjarstjóra, skipuð þremur mönnum, sem bæjarstjórn kys jafnframt öðrum fastanefndum sínum og til sama tíma. Til aðstoðar þeim skulu vera svo margir starfsmenn, sem þurfa þykir. Skulu þeir ráðnir af bæjarstjórn eftir tillögu hafnarnefndar, sem setur þeim erindisbréf.

Hafnarnefnd annast framkvæmd hafnarmálefna og eftirlit með höfninni og hafnarmannvirkjum, sér um viðhald og umbætur á hvoru tveggja og stýrir öllum framkvæmdum, sem þar að lúta. Bæjarstjóri annast fjárhald og reikningsskil hafnarsjóðs. Dagleg störf við framkvæmdastjórn og eftirlit annast bæjarstjóri og ræður hafnarstjóra og annað starfsfólk hafnarinnar, í samráði við hafnarnefnd.

3. gr.

Eignum hafnarsjóðs má einungis verja í þarfir hafnarinnar. Bæjarsjóður ber ábyrgð á eignum og skuldbindingum sjóðsins.